



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtbdd@jtbdd.ba
Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtbdd@jtbdd.ba

Broj: T18 0 KT 0016074 22
Brčko, 23.03.2023. godine

Na osnovu članka 35. stavak 2. točka i) i članka 226. stav 1. Zakona o kaznenom postupku Brčko distrikta BiH, podižem

OPTUŽNICU

Protiv:

Đorđa Popovića rođen ... 1970. godine, u Tuzli [...]

Što je:

Dana 24.03.2022. godine u Brčkom u otvorenoj bašti ugostiteljskog objekta „Bakarni“, u ulici Vuka Karadžića, oko 18.20 časova, u kojoj bašti je Đorđe sjedio za stolom sa R. N., D. K. i S. B, pa nakon što je u suprotnom dijelu bašte nenadano došao G. L. sa M. P, pri čemu je G. sjeo na znatnoj udaljenosti od stola za kojim je sjedio Đorđe, Đorđe, koji je od ranije ima krajnje poremećene odnose i izraženu netrpeljivost prema G, a koja datira još od 2008. godine, kada je zbog izvjesnog događaja u vrijeme kada je G. bio šef policije, Đorđe ostao bez stalnog zaposlenja u policiji kao jedan od komandira, Đorđe prvo od jednog od konobara zahtijeva da se G. i M. kao gosti udalje iz lokala, zbog čega konobar biva primoran da se obrati šefu sale a ovaj poziva vlasnika restorana, ne znajući šta učiniti na uporno Đorđeovo insistiranje, pa u jednom momentu zbog ranijeg animoziteta prema G, a nalazeći se pri tome u stanju smanjene računljivosti zbog srednjeg pijanstva, Đorđe skače od stola i ubrzanim korakom odlazi do G. stola, gdje je počeo da galami na G. upućujući mu konkretne riječi „što te nisam ubio ranije“, a potom Đorđe svjestan da takvim radnjama može drugog tjelesno povrijediti, a što je i htio, snažnije zamahnuo svojom ličnom napunjenom torbicom i udario G. u glavu, sa lijeve strane otvorenog lica, čime je nanio G. laku tjelesnu povredu u vidu nagnječenja glave, pa iako je sprečavan u daljim nasrtajima od lica koja su sa njim bila u društvu, sada desnom pesnicom udario i M. P. u otvoreni dio glave pri čemu mu je nanio lake tjelesne povrede u vidu nagnječno-razderne rane gornje usne na lijevoj strani i nagnječenje donje usne na lijevoj strani, kada su drugovi uspjeli da odvuču Đorđa od njih, usljed čega je kod G. izazvan ozbiljan osjećaj uznemirenosti i daljeg stanja straha za svoju ličnu sigurnosti, usljed ovakvog Đorđeovog ponašanja, pogotovo što je shvatio da je Đorđe u stanju izgovoriti mu ovakvu prijetnju za njega krajnje ozbiljnu i po proteku više od 14 godina od pomenutog događaja koji je kod Đorđa stvorio osjećaj animoziteta i pripisivanja potpune krivice G, kada je Đorđe ostao bez posla u policiji,

dakle, ugrozio bezbjednost drugog lica ozbiljnom prijetnjom da će ga lišiti života ili teško tjelesno povrijediti i drugome nanio lake tjelesne povrede,

čime je, počinio krivično djelo –Ugrožavanje sigurnosti- iz člana 180. stav (1) u sticaju sa dva krivična djela –Laka tjelesna povreda- iz člana 170. stav (1), a sve u vezi sa članom 54. Krivičnog zakona Brčko distrikta Bosne i Hercegovine.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.